

全透歌括

南京中医药大学
图书馆藏



金匱方歌括卷五

閩長樂陳念祖修園定

元蔚古愚參訂

男
元犀靈石韻註

孫男
心典徽菴
心蘭芝亭
校字

黃疸病方

茵陳蒿湯
歌見傷寒

治穀疸寒熱不食食即頭眩心胸不安久久發黃此湯主之

男元犀
按太陰濕土也陽明燥土也經云穀入於胃游溢精氣其

上輸下轉藉脾氣之能也穀疸者食穀入胃脾氣不輸濕與熱併



久則薰蒸成黃黃成則榮衛流行之機爲之阻而不利故有寒熱不食之病經云食入於陰長氣於陽食卽頭眩心胸不安者穀入於胃挾濁氣以上干也主以茵陳蒿湯者茵陳稟冬令寒水之氣寒能勝熱佐以梔子味苦瀉火色黃入胃挾大黃以滌胃腸之鬱熱使之屈曲下行則穀瘕之邪悉從二便而解矣

硝石礬石散

治黃家日晡所發熱而反惡寒此爲女勞得之膀胱急少腹滿身盡黃額上黑足下熱因作黑瘕其腹脹如水狀大便秘黑時溇此女勞之病非水病也腹滿者難治此散主之

硝石熬黃

礬石燒等分

右二味爲散大麥粥汁和服方寸七日三服病隨大小便去小便

正黃大便正黑是其候也

歌身黃額黑

漸及一身之黃俱

足如烘腹脹

如水狀

便澹

便澹而色黑

晡熱譫

熱由屬膀胱以西屬腎也

等分礬硝和麥汁女勞瘵病奪天工

徐忠可云硝能散虛鬱之熱爲體輕脫而寒不傷脾礬能却水而

所到之處邪不復侵如紙既礬即不受水滲也以大麥粥調服益

士以勝水合而用之則散鬱熱解腎毒其於氣血陰陽汗下補瀉

等法毫不相涉所以爲佳

梔子大黃湯

治酒瘴心中懊懣或熱痛者此湯主之

梔子 十四枚

大黃 二兩

枳實 五枚

豉 一升

右四味以水六升煮取二升分溫三服

歌曰酒瘰懊懣鬱熱蒸大黃二兩豉一升山梔十四枳枚五上下分

消要順承

元犀 按梔子豆豉徹熱於上枳實大黃除實去滿於下此所謂上

下分消順承熱氣也

徐忠可云因酒徒陰分大傷故不用燥藥以耗其津亦不用滲藥

以竭其液謂熱散則濕不能留也凡治濕熱而兼燥者於此可悟

桂枝加黃耆湯 歌見水氣病中

治黃疸病但當利其小便假令脈浮者當以汗解之宜此湯主之



北京中醫藥大學圖書館版權所有

男元犀 按黃痺症多由濕熱內鬱而成爲病在內也鬱在內者宜內解故曰但當利其小便小便通則所鬱皆去矣假令脈浮者病在肌表也當外解故曰當以汗解之桂枝湯解肌發表加黃芪助之以黃芪有發汗退黃之專長也

猪膏髮煎

治諸黃痺病

猪膏

牛筋

亂髮

如雞子大三枚

右二味和膏中煎之髮消藥成分再服病從小便出

千金云太醫曹校尉史脫家

婢黃病服此胃中燥糞下便差神驗

歌曰諸黃腹鼓大便堅古有猪膏八兩傳亂髮三枚雞子大髮消藥



熟始停煎

男元犀

按猪膏主潤燥髮灰主通小便故神農本草經有自還補
化句最妙謂髮爲血餘乃水精奉心化血所生今取以煉服仍能
入至陰之臟助水精以上奉心臟之神以化其血也沈目南謂寒
濕入於血分久而生熱鬱蒸氣血不利證顯津枯血燥皮膚黃而
暗晦卽爲陰黃當以此治之且熱鬱既久陰血無有不傷治者皆
宜兼滋其陰故曰諸黃主之又按時醫惑於以人補人之說每遇
虛證輒以紫河車配藥余幼時隨侍聞家君與客常談及紫河
車一物曰某也服此今反肌肉羸瘦某也服此病反增劇吾行道
數十年見有用紫河車者未嘗一效余默識之今省中行道輩遇

病人家有餘貲或病證虛弱火熾等證卽曰非紫河車不能成功也嗚呼是醫也而能活人乎是藥也而能活人乎

茵陳五苓散

治黃疸病

茵陳 十分

五苓散 五分

右二味和先食飲服方寸匕日三服

歌 疸病傳來兩解方

表裏兩解

茵陳末入五苓散五苓散專行水十

分茵陳却退黃

男元犀

按五苓散功專發汗利水助脾轉輸茵陳蒿功專治濕退

黃合五苓散爲解鬱利濕之用也蓋黃疸病由濕熱瘀鬱薰蒸成



南京中医药大学图书馆藏
1964

黃非茵陳蒿推陳致新不足以除熱退黃非五苓散轉輸利濕不足以發汗行水二者之用取其表裏兩解為治黃之良劑也

大黃硝石湯

治黃瘧腹滿小便不利而赤自汗出此為表和裏實當下之宜此

湯

大黃

黃蘗

硝石各四兩

梔子十五枚

右四味以水六升煮取二升去滓內硝更煮取一升頓服

歌曰自汗

表無邪也

尿難

大便難

腹滿時表和裏實貴隨宜硝黃四兩藥同

數十五枚梔任指麾

男元犀

按黃瘧病濕熱交鬱不得外通今自汗出者外已通也腹



滿小便不利而赤者濕熱仍實於裏也實者當下故用大黃除滿去實硝石領熱氣下趨二便又以黃蘗除濕退黃梔子散熱解鬱濕熱散二便調則裏氣亦和矣

小半夏湯

歌見痰飲

治黃痺病小便色不變欲自利腹滿而喘不可除熱熱除必噦噦者此湯主之

元犀

按傷寒論云瘀熱在裏身必發黃此云小便色不變欲自利

者可知內無瘀熱矣蓋喘滿屬中氣虛弱故曰不可除熱師恐後人誤投寒劑傷中故立小半夏湯以救誤治也用半夏和胃以鎮逆生薑溫理中臟中溫則升降自如而喘滿嘔逆自愈又按若中



虛發黃者余每用理中湯真武湯等加茵陳蒿多效

小柴胡湯 歌見傷寒

治諸黃腹痛而嘔者宜此湯主之

男元犀

按嘔者胃氣不和也腹痛者木邪犯胃也小柴胡湯達木

斂和胃氣使中樞運則嘔痛止而黃退矣非小柴胡湯可概治諸

黃也

小建中湯 歌見傷寒

治男子黃小便自利當與虛勞小建中湯

男蔚

按此言土虛而現出黃色也虛極者宜補土之母四逆輩可

與間服然單言男子一婦人血瘀發黃尚有桃仁承氣湯法也苟



屬虛黃亦宜以此湯加當歸益母葉之類也

附方

瓜蒂散

歌見傷寒

治諸黃

男元犀

按瓜蒂散傷寒論三見俱主胸中之病金匱取之附治諸

黃何也蓋黃乃濕熱相併鬱蒸不得外越用瓜蒂散吐而越之使
上膈開而下竅達濕熱之邪自有出路矣故曰治諸黃

千金麻黃醇酒湯

治黃癰

麻黃

三兩



南京中医药大学图书馆版权所有

右一味以美酒五升煮取二升半頓服盡冬月用酒春日用水煮之

歌黃瘧病由鬱熱成驅邪解表仗雄兵五升酒煮麻三兩春換水

兮去酒烹

男元犀

按麻黃輕清走表乃氣分之藥主無汗表實症黃瘧病不

離濕熱之邪用麻黃醇酒湯者以黃在肌表榮衛之間非麻黃不能走肌表非美酒不能通榮衛故用酒煮以助麻黃發汗汗出則榮衛通而內蘊之邪悉從外解耳

驚悸吐衄下血

桂枝去芍藥加蜀漆牡蠣龍骨救逆湯

歌見傷寒



治火邪者此湯主之

孫男心典

稟按舉火邪冠於方首示人治血先治火也又恐治火

專土塞滯之品故拈出此方不寒不滯以立榜樣意深哉傷寒論

註解甚詳不必再釋

半夏麻黃丸

治心下悸者此丸主之

半夏

麻黃各等分

右二味末之煉蜜爲丸小豆大飲服三九日三服

歌心下悸都緣飲氣維夏麻等分蜜丸醫一升一降存其意神化

原來不可知



尤在涇云半夏蠲飲氣麻黃發陽氣妙在作丸與服緩以圖之則麻黃之辛甘不能發越津氣而但能升引陽氣即半夏之苦辛亦不特蠲除飲氣而並和養中氣非仲景神明善處者其孰能與於此哉

栢葉湯

治吐血不止 此湯主之

栢葉

乾薑各三兩

艾三把

右三味以水五升取馬通汁一升合煮取一升分溫再服○千金加阿膠三兩亦佳

歌曰吐血頻頻不肯休久吐不止几一切寒溫馬通升許溯源流氣

伏藏於陰分逼血妄行不止馬
屬火取其通之同氣以導之
乾薑三兩艾三把二味溫散直發

則陰分之血無所
相葉行陰三兩相葉抑之使降合馬通導之
使下則餘燼之瘀一撤調之

前方歌括之小註頗詳毋庸再釋但愚每用前方病家皆驚疑不

能聽今擬加減法用生側柏五錢乾薑炮透一錢五分生艾葉三

錢水一杯半馬通一杯煎八分服如無馬通以童便代之○馬糞

用水化開以布濾汁澄清為馬通水

黃土湯

治下血先便後血此遠血也亦主吐衄

甘草 乾地黃 白朮

附子炮

阿膠

黃芩各三兩

金匱要略
卷五
竈中黃土半觔

右七味水八升煮取三升分溫三服

遠血欲先便血續來半觔黃土莫徘徊術膠附地苓甘草二兩同

行血證該

不僅治下血而吐血衄血與婦人血崩等症俱該在內

王晉三云金匱以下血先血後便為近血明指脾絡受傷曰滲腸

間瘀積於下故大便未行而血先下主之以赤小豆利水散瘀當

歸和脾止血若先便後血為遠血明指肝經別絡之血因脾虛陽

陷生濕血亦就濕而下行主之以竈心黃土溫燥而去寒濕佐以

生地阿膠黃芩入肝以治血熱白朮甘草附子扶陽補脾以治本

虛近血內瘀專主清利遠血因虛故兼溫補治出天淵須明辨○